

四庫全書

史部

欽定四庫全書

史部

硃批諭旨卷三十上

臣永瑤恭校

編修臣裴謙覆勘

總校官中書臣朱鈐

校對官中書臣胡紹基

謄錄監生臣張元功

欽定四庫全書

硃批諭旨卷三十上

硃批石文焯奏摺

雍正元年四月初六日河南巡撫臣石文焯謹

奏為恭謝

天恩并陳愚悃仰祈

聖鑒事竊臣至愚至拙毫無寸長蒙

特旨補授河南巡撫奉

聖諭聞衛輝府知府吳柯聲名不好開封府知府王熹
年輕不諳政務據實查奏今臣訪得吳柯不能正已
率屬民多含怨王熹才具平常難勝劇郡之任誠
如

睿鑒容

臣

文闡後究叅外伏查開府為豫省首郡衛輝

係衝要之區正在需人

臣

查郎中劉公津前任江

西萬年縣知縣謹飭自守諳練有才郎中張建德

前任江西南昌府同知才具明敏實心任事請將

劉公津補授開封府員缺張建德補授衛輝府員缺庶郡守得人地方有益臣謹舉所知伏祈

皇上睿裁謹

奏

地方拊循需人所奏甚是劉公津張建德已發往豫省矣再者聞楊宗義舊任內多有未清爾母以親戚瓜葛瞻徇情面務須徹底核算虛懸之項令其照數補足俾倉庫錢糧不致少有欠缺方為公爾忘私也

雍正元年五月初四日河南巡撫臣石文焯謹

奏為恭報雨澤情形仰懇

聖懷事

臣

自四月初三日到任以來查據各府屬所報

得雨分數如開封河南南陽汝寧歸德汝州等府

州所屬之各州縣得雨俱已霑足惟河北之彰德

衛輝懷慶三府所屬陽武原武等十四縣與河以

南之太康中牟等十餘縣得雨尚未霑足仰賴

皇上福庇於五月初二初三兩日甘霖大沛遠近均沾

再查開封河南南陽汝寧并汝州所屬之各州縣
二麥俱好秋禾長發茂盛惟河北三府四縣種麥
無幾收成甚薄今幸得雨可以佈種臣一面遍查
河北各州縣果否霑足督令乘時佈種外合將雨
澤田禾情形先行繕摺奏

聞上慰

實慰朕懷

聖懷再查河北三府四縣自蒙

皇上仁恩普賑以來已閱兩月但麥收甚薄不足接濟

好省

耕勸農正此時急務也

民食亟當加意撫恤務使及時播種盡力耕作以

冀有秋

臣仰體

甚是

皇上軫恤災黎德意擬動截留水次漕糧酌量賑給另

疏具

題合併聲明謹

奏

誠可喜也爾到任未幾即蒙

上蒼如此眷佑擢爾為豫撫可謂上合

天心矣更須克誠克敬懋勉厥職勿替朕因直隸近日缺雨寸心頗爲不憚覽爾此奏實減一半憂懷但一切俱當實陳不可絲毫粉飾以蹈隱諱之咎

雍正元年五月十六日河南巡撫

臣

石文焯謹

奏為仰懇

聖恩事

臣

查祥符為省會首邑兵民雜處必得才猷練

達之員方克勝任

臣

查歸德府通判祖承祚歷任

二十年老成勤幹辦事有才衛輝府通判李先益

歷任四年才具敏練實心任事仰懇

聖恩於二員中

簡用一員或授以知州職銜或授以同知職銜管理祥
符縣事以示鼓勵庶於首邑地方甚有裨益矣伏
乞

皇上批示施行謹

奏

有司固須遴才然必先看操守民情愛戴方為得人祖

承祚照爾所請授以同知銜令其管理祥符縣事再
有要缺將李先益題補可也

同日又

奏爲恭報二麥收成分數仰祈

睿鑒事竊查豫省河以南各府屬地方二麥已經收穫
查其收成分數南陽府屬州縣十分九分不等汝
寧府并汝州所屬州縣九分八分不等開封府屬
州縣八分七分不等河南府屬州縣八分七分不

等歸德府屬州縣七分五分四分不等其餘河以南祥符等縣不過四分三分至河北彰衛懷三府種麥稀少收成甚薄難計分數再查各屬已種秋禾現在長茂合併奏

聞謹

奏

據奏二麥約有一半收成蒸黎賴以餬口

天心仁愛深為感幸彰衛懷三府地方秋禾可能遍種抑

或餘地尚多近日雨澤何如沿河堤岸堅固無虞否此
諭問各情形作速回奏以慰朕懷

雍正元年六月初六日河南巡撫

臣石文焯謹

奏為恭報全省雨水霑足仰慰

聖懷事竊查豫省河以南諸郡雨水調勻惟河北三府
尚未霑足茲於五月二十七八六月初二三等日
甘霖大沛遠近高下地畝俱已十分霑足河以南
地方秋禾長發倍茂即河北三府四縣亦皆普遍

優渥已種者勃然興起未種者爭施畚鍤父老兒
童咸稱四五年来無此透足雨澤處處均沾是皆
我

皇上敬

天勤民至誠感格所致我等百姓惟有戶戶焚香上祝
聖壽無疆異口同聲歡呼遍野謹據實奏

聞上慰

宸衷臣不敢一字粉飾再查秦家厰等處工程伏汎將

屆接准河臣齊蘇勒以新築工程必有墊陷坍塌
料宜多備先後共動司庫銀一萬兩預備工料嚴
飭管河道張杓等率同印河各官上緊鑲墊加幫
督令兵夫晝夜看守今已入伏汛工程平穩無虞
合併聲明謹

奏

通省需足大慰朕懷據奏百姓歸功於朕朕有何德惟
以手加額感

上蒼之眷佑彌篤戴

皇考之垂蔭無窮耳

雍正元年六月初十日河南巡撫

臣

石文焯謹

奏爲奏

聞事竊查六月初八日酉刻據把總張朝弼稟報本日

河水驟長黃河南岸中牟縣地方十里店西衝開

大堤水向南行飛報前來

臣

即刻委開歸道陳時

夏督同開封知府王熹星夜前往查勘并於司庫

動發銀三千兩辦料去後初十日據開歸道陳時

夏馳回面稟查勘得十里店西衝開口子二處一

在上流者刷寬十一二丈一在下流者刷寬十六

七丈臣伏查黃河水勢因北岸秦家廠等處工程

完竣之後水始復歸正河尚未刷深茲五月二十

七八六月初二三等日大雨連綿沁黃並漲水勢

究係

失於防護

陡長一時不能疏洩遂致衝缺現委該道等督令

速令

需度機宜設法堵塞總要用

人得當方不致金錢

相機堵塞臣於武闡事竣即星馳前往料理外理

徒填

巨浪也

合奏

聞謹

奏

河南赤子黃水為災朕心深為惻然其應用之項不限多寡爾即一面動用作速堵築一面題奏并報明該部朕念豫省諸務紛紜特命嵇曾筠率領揀選人員等前往協助爾與齊蘇勒料理河務并察賑災民均宜盡心籌畫允妥毋得少忽

雍正元年六月二十六日河南巡撫臣石文焯謹
奏爲謹陳河工情形仰祈

聖鑒事竊查豫省黃河自秦家廠決口奪流河身淤高
漫溢堪虞一入伏汛在在危險今北岸馬營口等
處自六月初一等日沁黃並漲以致堤壩多有塌
卸蟄陷當即動料晝夜鑲填搶護無虞又北岸桃
園口等處有支河三道引溜北趨堤根勢甚危險
已經動支庫銀責令北河同知潘尚仁等於迎溜

處下埽保護再南岸蔣家寨等處水逼大堤工甚
危險隨飭南河同知劉永錫等備料搶護以上各
處險工俱已搶修防護無虞其南岸中年縣之十
里店婁家莊二處衝開大堤漫溢之水由十里店
西南入賈魯河流至朱仙鎮入洪澤湖惟朱仙鎮
人煙湊集河身淺窄遂致出槽泛溢鎮上房屋間
有被水淹浸晚種禾豆不免少有傷損已飭行該
府縣確查加意撫恤毋致失所

臣武闡事竣親赴

衝溢處所查勘現因伏汛之內水勢時長時消俟水勢漸次消落便可相機堵閉至奉

旨交員外郎祖秉圭等齎到嵇曾筠條奏會商武陟工

程善後事宜

臣

經咨商河

臣

齊蘇勒嗣准咨覆以

月堤內不必下攔水埽止應將大月堤靠小尾堤

加幫高厚二鋪管迄西應築格堤一體確估興築

等因

臣

隨轉飭河道發銀辦料興築在案所有各

工銀兩統俟工完之日會同河

臣

齊蘇勒嚴加核

減造冊

題銷外合將修築搶護各情形具摺陳明謹

奏

開奏一一皆中肯綮南北岸堤工捍禦有方保護無虞殊屬可嘉凡爲臣子者果有爲國効忠之心其後必昌爾長男石禮哈可謂跨竈之子朕實代爾欣悅之至

同日又

奏為恭繳

御批據實回奏仰祈

睿鑒事六月十八日

臣進摺人回奉到

皇上御批據奏二麥約有一半收成蒸黎賴以餬口

天心仁愛深為感幸彰衛懷三府地方秋禾可能遍種抑或餘地尚多近日雨澤何如沿河堤岸堅固無虞否此諭問各情形作速回奏以慰朕懷仰見

皇上宵旰憂勤無刻不以民生為念除河工堤岸情形另摺具

奏外臣查河北彰衛懷三府得雨之後遍行勸諭百姓已爭施畚鍤及六月初二三等日大雨透足據各屬稟報已經盡行補種現在長發茂盛西成可望誠足仰慰

聖懷惟據歸德府申報所屬之永城睢州等州縣因江

江南頃報蝗蝻生發隨因盡力捕捉不致成災此事考里或一二十里間有飛落在地已經盡行撲滅不古證今惟有撲滅之法甚善往往急從事捕不盡力致傷損禾苗等情臣已專委開歸道前往督同該

而緊

委之曰天災者皆誤也
府州縣細加搜查撲捕務期盡絕無遺勿致為害

併查如有田禾被傷之處加意撫恤外理合一併

陳明謹

奏

河北三府窮黎饑餒之餘若不得秋禾大熟何能稍復
元氣覽之欣慰

同日又

奏為謹陳截漕虧空仰請著落賠補以實倉廩事竊

查河南省歷年截留漕糧採買米穀甚多實在存
倉無幾仰蒙

聖明洞鑒

特諭臣詳查議奏行據糧道陳時夏逐一查明造冊呈

送前來

臣

覆查康熙四十三年分截留漕糧今止

存穀二萬五千一百五十一石又五十九年分截

留本折漕米今止存米三萬六千四百五十石又

六十年分截留本折漕米易穀今止存穀三萬一

千七百七十石查截留漕糧原以實貯備用爲兩河黎庶安全之至計徵完者不容虧空採買者不應延悞況五十九年截留漕米原應運貯河南府倉十萬石此前撫臣楊宗義任內之事雖折色定價每石銀六錢五分不敷採買彼時市價相去猶不甚遠乃楊宗義一任遷延米價昂至三倍以致迄今尚未買貯照一米二穀例收貯應買穀二十萬七千四百六十二石相應請

旨著落楊宗義將不敷米價照數添足於河南府地方
買穀分貯各屬再查此項未買米內有開封府屬
之杞縣等縣領價採買拖欠米石今勒限一年令
各縣照一米二穀例賠補貯倉如逾限不完題叅
究追倘力不能賠將本官嚴加治罪著落楊宗義
賠補再四十三年缺少穀石係汜水縣革職知縣
王召祥虧空未經題叅亦應著落楊宗義賠補又
已叅衛輝府知府吳柯祥符縣知縣卞永祐等虧

空五十九年領價未買米石及四十三年虧空穀

石現在審追如各員力不能完將本官嚴加治罪

此項

恐捏作民欠亦未可定汝當研究的實酌量行之

若係

著落楊宗義數賠補至四十三年民借未還穀

收一半

三萬八千三百三十四石查豫省今歲得雨田禾

茂盛秋成大有可望倘元氣尚未全復應於秋收

後催還一半明歲秋收催還全完還倉倘至期完

不足數著落該州縣照數賠完如不完將本官嚴

加治罪亦著落楊宗義賠補又五十九年六十年

缺少米穀查據汲縣等縣俱稱因公那用仰請

聖恩定限一年勒令賠補如逾限不完即行指叅將本
官嚴加治罪亦著落楊宗義照數賠補又已叅武
陟縣知縣朱凜廸虧空六十年穀石現在審追如
不能完亦著落楊宗義賠補至六十年懷河二府
存價未買穀石俟秋收後勒令照數買足貯倉臣
謹據愚見詳議具

奏未知是否伏祈

皇上睿裁敕示施行謹

奏

所奏條分縷析欸項甚明此內有應緩者稍為寬期不
應緩者即行題奏倉穀之數既清庫帑虧盈若何亦宜
詳加查核爾傳諭揚宗義著伊竭力清楚虧項若能彌
補全完不特保全性命尚可邀朕優容伊若觀望遷延
妄希倖免則斷然難逃國憲直隸山東虧項趙之垣李
樹德俱經清楚朕已格外從寬矣爾當詳悉開導令其

醒悟不可絲毫狗庇有違朕諭德音是一榜樣爾所稔
知者此輩貪饕朕所深悉今令其那私補公尚不及向
所侵蝕十之二三倘伊執迷抗延如故即一面拏問一
面題叅若為此項虧空少累吾民并累及無干之地方
有司爾將來有何面目見朕耶

雍正元年六月二十八日河南巡撫臣石文焯謹
奏為恭謝

天恩事竊中牟南岸十里店堤工衝決臣深知罪愆莫

逌刻不自安荷蒙

聖恩寬宥指示周詳

臣捧讀

訓旨感激涕零謹望

闕叩頭謝

恩惶悚無地伏念

臣歷任有司素未經理河務今蒙

聖明鑒念應用之項

恩諭不限多寡一面動用作速堵築一面奏

聞復

命嵇曾筠率領官員助臣與齊蘇勒料理臣受

恩愈重報稱愈難惟有凜遵

訓旨上緊堵塞慎擇用人不致無益浪費臣現在駐宿

工所親督河道張杓等相機堵閉上緊儻修數日

之內十里店西口可以先竣至南岸榮澤縣迤西

原無堤岸今河身淤高恐水發泛漲河臣齊蘇勒

臨工親勘已彙入加幫案內估計築堤工尚未竣

於六月二十一夜黃水陡長將新築堤工汕開十

餘丈水勢南趨以致朱仙鎮水勢復長比前次更大四尺有餘兩岸房屋土牆被水淹浸坍塌甚多臣已委布政使牟欽元親往查勘加意撫恤毋致失所再六月二十七日據懷慶府通判高士鏞等申報本月二十二日沁黃並漲水從姚其營無堤處漫灘而來至馬營詹家店之西新堤頭漫溢而過汕塌十餘丈又梁家營南二舖營南水從堤根漏入漸塌二丈有餘又馬營前大壩漫溢水勢直

浸後大壩等情臣即委管河道張杓等上緊搶修
并動發司庫銀五千兩解交應用臣現住十里店
俟南岸決口工程就緒即星赴北岸相度情形親
督修理為此謹

奏

今年河決實屬意中之事此時不過隨宜捍禦苟安目
前而已斷不能奏一勞永逸之效茲特命張鵬翮前來
會同爾與齊蘇勒崧曾筠熟籌深計久安長治之策待

秋汛後須大費一番經營也

雍正元年七月初五日河南巡撫

臣

石文焯謹

奏為恭報馬營水勢消落情形仰祈

睿鑒事竊查六月二十二日黃沁水長交會泛溢汕刷

堤壩情形

臣

一面具摺奏

聞一面即親往查勘馬營地勢窪下水從姚其營等處
漫溢致將馬營等處堤壩汕刷過水漫及原武仰
賴

聖主至誠昭格河神默佑大溜仍走正河此處並未成
流非從前衝決可比是以秦家厰等處工程俱平
穩無虞今水已消落數尺各決口悉已斷流涸出
口岸現在備料募夫臣會同侍郎臣嵇曾筠細加
相度務期補築堅固上副

聖懷再中年十里店漫口二處正在上緊施工俟堵閉
合龍另摺

奏報至滎澤新築堤工漫開之處已據同知劉永錫

搶築堵閉朱仙鎮水已消退所有被水災民欽遵
上諭會同嵇曾筠仰體

聖主軫恤德意遍行查賑姚其營等處被水田禾村舍
一體查明賑恤毋致失所外再查河北未種之地
悉已補種秋禾茂盛佇慶豐收理合一併奏

聞上慰

宸衷謹

奏

狂瀾順軌此中豈無神助爾中州黎庶時廑朕懷覽奏
稍紓已溺之憂

雍正元年七月十一日河南巡撫臣石文焯謹
奏為奏

聞事竊臣接准河臣齊蘇勒揭帖知於六月二十八日

起程來豫侍郎臣嵇曾筠即先赴中牟查勘臣將

馬營工程飭令管河道張杓等加謹防護臣亦回

中牟會同嵇曾筠上緊堵閉決口並查賑被水饑

民俟河臣到日將各處工程會商另

奏外查河南全省地方自夏徂秋雨水調勻田禾茂
盛長發暢遂佇慶豐登至歸德府屬所報飛蝗已
經盡行撲滅並未傷損田禾理合一併陳明謹
奏

今歲秋成實出望外山東山西直隸等省大率相同朕
誠感戴

天庥不勝慶幸之至

雍正元年八月二十七日河南巡撫臣石文焯謹
奏為著落賠補虧空仰祈

聖鑒事竊臣欽奉

諭旨清查河南省節年截留漕糧尚未採買並無實貯
經臣詳議著落楊宗義賠補之項具奏請

旨仰蒙

聖鑒逐條批示

諭臣傳諭楊宗義今楊宗義已到河南臣謹遵

聖諭詳悉開導楊宗義感激

聖恩凜畏

國法據稱我蒙

皇恩寬宥如此教導若不竭力完補良心何在今已湊
銀十五萬三千兩彌補虧空此外如有未清之項
情愿再行湊辦等語查楊宗義任內未買五十九
年漕米十萬三千七百三十一石除原存部價外
按時價每石添出銀九錢五分共該添出銀九萬

欽定四庫全書

硃批諭旨

卷三十一

三十一

八千五百四十四兩又應賠補未經查叅之汜水縣知縣王召祥虧空并武陟縣知縣朱凜迪虧空漕穀每石照時價八錢共銀一萬一千六百零七兩以上三項共銀一十一萬一百五十一兩如數兌交道庫俟臣遴委賢員採買貯倉仍於截漕案內造冊報部再四十三年民借未還穀三萬八千二百三十四石蒙

聖諭此項恐捏作民欠亦未可定汝當研究的實酌量

行之若係假捏則著落楊宗義賠補若果實係民欠何必徵收一半即緩限一年亦無不可欽此欽遵臣已令楊宗義將此項民借穀石照時價每石八錢兌交銀三萬五百八十七兩收貯道庫仍令各屬勸諭百姓聽其自行交倉以一年為期所有不能還完之數即將楊宗義所貯銀兩買補再查錢糧虧空所有臣任內查叅之衛輝府知府吳柯等六員虧空銀米穀石現在審追如力不能完將本官

照例治罪其未完之項著落楊宗義賠補再查各屬尚有未經叅出之虧空銀一十四萬五千一百餘兩穀一十六萬三千五百餘石伏讀

聖諭凡有虧空無論已經叅出及未經叅出者三年之內務期如數補足今臣勒限二年內將所有羨餘積累補苴不許額外科派絲毫貽累百姓倘敢陽奉陰違察出從重叅處如限滿不完將本官照例治罪外其未完銀穀亦著落楊宗義賠補如此則

國法既伸帑項有著而監守倉庫之官皆知所畏矣
是否允協伏候

睿裁謹

奏

所議彌補之法甚是但必毋致苦累新任州縣各官方
為善舉須通計每一州縣應得羨餘多寡若干酌量以
若干留為養廉以若干除為補苴好言勸導令其節用
省費陸續完補庶可禁其營私巧取不致朘削百姓若

不量其所出所入致令資生餬口無策而誠之曰廉潔自矢毋得掊克小民雖三令五申恐未必心悅誠服如法奉行也事須兩全爾其勉之

同日又

奏為詳議完補虧空之法仰祈

聖裁事竊臣查豫省從前各撫臣及楊宗義任內已經叅追各案虧空尚有未完銀七萬二千三百餘兩未完穀三萬三千八百餘石有本犯已經身故著

落家屬追比日久無完者有本犯雖現在著追任
所無可變賠者是徒有追比之名究無補苴之實
臣思完補之法若以通省俸工抵補則豫省俸工
因抵補軍需及堤工等項直扣至雍正九年始得
補完若以通省耗羨抵補則謹飭自守並無虧空
者所得羨餘反為他人抵補而奢侈妄費恣意虧
空者轉累他人代賠似非情理之平查巡撫衙門
向有府州縣節禮臣荷

皇上知遇隆恩潔已率屬斷不敢收受重負

委任至意但原係出自耗羨之內並非科派於民

臣

既

不收受是徒有利於屬官究無益於百姓莫若將
此項節禮令各屬繳存司庫留為抵補虧空之項
以完

國帑既非額外加派有累民生而帑項亦皆有著矣
臣愚昧之見是否可行伏候

睿裁勅示施行謹

奏

朕為天下臣民主以廉潔礪風化豈可諭令督撫收受
節禮凡地方倉庫之設原為預防水旱凶荒所謂有備
無患理宜實貯方克濟用汝等受朕分閫重任一省之
中事無巨細莫非爾責其間截長補短裒多益寡總在
汝通融而為之耳若果上不虧公下不累民一皆合乎
人情物理之宜則人亦未有不諒汝心者至於苞苴之
路宜絕不宜開何可以言餽之耶

同日又

奏為恭繳

硃批事竊八月十四日

臣齋摺人回奉到

硃批二摺

臣敬凜欽遵又蒙

聖主密諭三道仰見

皇上宵旰憂勤勵精圖治營伍情弊無一不在

聖鑒之中再舉行社倉誠備荒之美政設立保甲為弭

盜之良圖

聖諭指示周詳無微不至臣謹盡心籌畫徐徐舉行一

一謹凜

諭旨實力遵循不敢不事虛飾朕深嘉之徒以泛泛文告爲事有負

聖明諄諄告誡之至意也再秋汛水勢時長時落各處

工程俱獲平穩全省田禾陸續收穫是皆仰賴
政和則年豐汝諸臣與有力焉何得歸功於朕耶
聖主至誠昭格轉歉為豐物阜民安歡聲遍野其收成

分數俟各屬報齊另摺奏

聞外查衛輝府通判李先益臣因其署汲縣事聲名頗

好經臣將祖承祚同該員奏請補授祥符縣缺荷

聖恩將祖承祚補授李先益俟有緊要缺題補今臣細

有功

即錄有過則黜方見大公即題補後亦未嘗不可

驗李先益為人任性辦事粗率且有賠修工程遇

彈劾也

有缺出未便

題補令其照舊供職臣不敢不據實

奏明自蹈隱飾之咎仰祈

聖鑒謹

奏

覽

同日又

奏爲臨河地方緊要請定州縣調補之例以收得人
之效事竊惟黃河經行豫省千有餘里自滎澤以
下南北兩岸皆有堤工而北岸尤關運道均應加
謹防守查江南同知通判專司河務至河南所設
同知通判管轄數縣堤工而辦料募夫防護皆責
之州縣是河南州縣官員有兼管河務之責必得

勤幹之員庶不致累民悞工臣查南北兩岸之祥符滎澤等十四州縣相應請定調補之例於本省官員內選擇調補三年內果能盡心辦理工程平穩照例保題以應陞之缺即用現在官員內人地相宜者照常辦事請自雍正二年起扣算三年考核保

題陞用外若不相宜者臣於本省現任官員內選擇調補庶臨河地方收得人之效矣臣謹遵酌調繁

簡之

訓旨敬陳末議伏候

聖裁謹

奏

所議是即行具題

雍正元年九月初二日河南巡撫臣石文焯謹

奏為恭報收成分數事竊查豫省地方自五六月間
甘霖疊沛以來田禾俱已成熟陸續登場行據布

政司查報各屬收成分數開封歸德河南南陽汝
寧等府屬俱十分至八分不等彰德衛輝懷慶等
府屬并汝州所屬俱九分至七分不等是皆仰賴
聖主愛養民生憂勤宵旰上感

天和遂得轉歉為豐閭閻大有起色闔省黎庶共慶盈寧

咸歌

帝德理合摺

奏仰慰

聖懷謹

奏

今歲北四省收成實為朕意想之所不到浩蕩

天恩惟有以手加額稱慶不已先儒有言人事修於下則
天和感於上此皆汝諸臣仰體朕衷以實心行實政之所
致也睹茲感應之速益信賞罰之徵更當時加凜惕懋
勉厥職以仰答

洪庥特諭

聞襄南知縣周應還居官頗好未知然否爾察明據實
奏聞嗣後凡有諭問皆當直陳毋得稍事迎合以失中
孚之義

一豫省之水利宜興也

臣

去時二月間過彰德

衛輝一帶地方見赤地千里民多饑色

臣

回時

七月間又過彰德衛輝一帶地方見禾黍滿田
與前大異總之河南人拙耕種全望雨澤不能
如別省之設法取水臣見山西灌田多用井四

川灌田多用堰湖廣灌田多用龍骨車惟河南全不講究如漳河淇水皆可引以灌溉求

教諭撫臣開通溝洫因地制宜或築堰或鑿井或用車行之數年則旱不為災而家有蓋藏矣

有人條奏水利一欸朕思農田雖仰賴雨澤全藉水泉滋潤之功長養禾稼不但河南一省凡北省近水之處皆可舉行但欲速則恐不達且愚民可與樂成難與謀始須當徐徐鼓舞勸導令其灼見有益則自然踴躍趨

赴必得實心任事之州縣牧令相地形之高下度水勢之淺深或宜鑿井以資灌溉或宜開渠以制蓄洩周詳籌畫方得要領爾等觀此條奏參酌豫省土俗民情悉心講究以期成效

其取水等法實有益於田畝但慮北地民人性拙習懶不善製造器具不樂服役勞瘁爾等要須大費一番心力示以巧式誘以後效又從而獎勸之庶可望其通行無輟否則徒為紙上空言耳何實濟之有勉之勉之

雍正元年九月二十二日河南巡撫臣石文焯謹
奏爲遵

旨回奏事竊九月十五日臣齋摺人回捧到

硃批奏摺蒙

頒發水利條奏一件伏讀

上諭指授機宜洞悉民隱臣查豫省民人耕種全賴雨

澤灌溉之法素不講求設遇亢旱即致收成歉薄

臣到任時見一路地多高阜因思鑿井耕田相資

為用以時灌溉補救實多已飭令各屬州縣先為
如法試驗使民知有益再行勸導有力之家鑿井
灌溉自是收穫倍豐人情趨利將見小民漸漸仿
行矣今蒙

聖訓周詳遵即轉飭州縣相度地勢凡近水之處應作
何開溝引水以灌田禾確勘妥議臣著實留心料
理徐徐勸導務期行之有效上副

睿懷謹

奏

凡百事宜實心奉行自然有效若苗莠不分良楮莫辨
惰者不加懲勤者不加勸則上寬下慢遞相倣效府州
縣率皆草率從事苟且塞責豈止水利不能興舉地方
上多一事反多一番滋擾耳何益之有哉

雍正元年十二月十三日河南巡撫臣石文焯謹
奏爲恭謝

天恩事雍正元年十一月准吏部咨開河南巡撫石文

焯三子石禮圖給以二品廕生奉

旨依議欽此欽遵知照到臣隨恭設香案望

闕叩頭謝

恩訖臣蒙

聖恩高厚委任封疆乃賦性庸愚愆尤日積茲於感深

欲泣之中益切曠療之懼返躬自責愧汗長流惟

有矢志濯磨奮勉供職并訓臣子石禮圖隨任殫

心學習共竭駑駘之力上報

君恩於萬一耳爲此具摺恭謝

天恩以伸感戴微忱謹

奏

古人教子不以言教以身教自未能無忝臣道何暇論
及子道諸凡總是泛泛在邊幅上修飾不肯傾肝吐膽
從誠實中發出何能邀朕之信任倚托爾等老吏閱歷
既久身家念重日就月將做成一個巧宦習氣難除未
如之何朕如此推心置腹竟感動不出一點真心來仍

然干私百弊交結於胷懷怙終不悛將來恐噬臍莫及也

雍正二年正月二十二日河南巡撫臣石文焯謹

奏為請

旨事竊臣衙門所有司道規例及府州縣節禮俱已盡行革除惟向例有臣衙門一分火耗留以養廉此外不敢萌一毫私念惟是原奏將府州縣節禮繳存司庫以補虧空自臣上年四月到任至歲底止

共收存司庫銀三萬五千八百六十兩又臣原奏
將司道規例節省湊補楊橋工程借動之項今已
節省銀二萬兩但虧空與借項既於通省耗羨內
劃補則以上二項共銀五萬五千八百六十兩應
行歸公或解充西寧軍餉或應作何公用伏乞
睿裁謹

奏

助餉之說斷然不可止可留作本省公用如補苴虧項

修理城垣道路橋梁堤岸及兵馬器械犒賞之需庶幾以公完公耳若以此項捐助軍餉轉借名於彼處加倍虧空諺所謂東坍西漲此等作爲朕不樂聞至地方公用之處或慮朕知之不悉不妨將用過數目逐一開除摺奏以聞特諭

同日又

奏爲再陳愚悃仰懇

聖恩事竊查豫省黃河工程修築防護在在需人河官

不敷委用皆係調委府州縣等官在工辦事是以
一有缺出就近每乏委署之員經臣奏請揀選候
補候選人員發來河南補用未蒙

俞允

臣

思我

皇上用賢無方知人善任叩懇

近省不比邊方李維鈞黃炳皆奏過俱未准行

天恩俯准揀選人員發來豫省庶河務民生兩有攸賴

矣再查河南地方麥苗長發甚盛十里店楊橋兩
處工程自去冬合龍以來加謹保固甚是平穩南

北兩岸堤工現在擇險先修種種善後之圖臣已
與嵇曾筠齊蘇勒次第商議具

奏外今科場屆期臣遵例入闈監臨桃汛在即一切
工程事宜有嵇曾筠親督印河各官効力人員辦
理無煩

睿慮謹

奏

成之累月甚難敗於一朝甚易河堤防護最為緊要嚴

諭屬員刻無怠忽

同日又

奏為奏明事竊以錢糧闕乎

國計所當盡心籌畫務期舊有之虧空盡行補完將

來之庫項永無懸缺方為盡善

臣上年查豫省歷

經叅出各案虧空從前追比年久任所無可變賠

者原議將臣衙門向有府州縣節禮令繳存司庫

留為抵補又未經叅出之虧空

臣議令州縣將自

已所有羨餘積累補苴不許額外科派俱經摺奏

蒙

皇上硃批訓示周詳

臣捧讀

諭旨仰見我

皇上聖德如天明同日月自知前議猶未周到因細加

斟酌自今年為始將

臣

衙門所有司道規例府州

樹德

莫如滋去疾莫如盡

縣節禮及通省上下各衙門一切節壽規禮盡行

革除地方一應公用槩不議捐以杜州縣藉口之

可爲

救弊良法

端以塞上司勒索之路今遵照定例令各知府遴
委賢員將州縣銀櫃封固驗明眼同該州縣拆封
將正項即行起解使經徵官絲毫不能侵挪則庫
項永無虧缺矣所有耗羨各州縣輕重不等每兩
約一錢三分有零通計全省額徵地丁銀三百六
萬餘兩約耗羨銀四十萬有零除通省各官酌量
給以養廉及各項雜用公費悉於耗羨內支應不
復議捐外每年約可餘耗羨銀十五六萬兩解貯

司庫彌補虧空抵還借項及辦公事之用是舊有之虧空可以完補庫帑不致懸缺矣州縣既無公捐之項所給養廉足資食用可以永無虧空至於上司各衙門俱有養廉不致苛求屬吏是勒索之事亦可永絕矣徵收錢糧既委員拆封州縣不能於額外加增百姓無重耗之累所有虧空悉於耗方爲通情順理

如此
羨內劃補無論新任舊任皆無苦樂不均之歎矣

統俟奏銷時將一年所收耗羨及各官養廉公事

動用歸還借項劃補虧空各款逐一開明具摺奏聞不敢絲毫隱飾所有贏餘收貯司庫請

旨遵行爲此具摺陳明伏祈

睿鑒謹

奏

此奏纔見著實非從前泛泛浮詞可比封疆大吏原當如此通盤合算如何抵項如何補苴若干作爲養廉若干作爲公用說得通行得去人心既服事亦不悞朕自

然批個是字若網領條目茫無頭緒公私上下全未安排但籠統含糊云錢糧要緊徒爲紙上空言有何實際譬如終日說食腹未一飽爾等不將出一個真字來欲邀朕見重如何可得且清釐積弊必毫無瞻顧毅然自任方有成效若不甄別屬吏舉直錯枉依違可否於其間卽爾此奏亦恐徒法不能以自行模稜之病較之苛刻其害更甚不可不知况進賢退不肖乃行政之大本致君澤民豈鄉原所能爲之事歟

雍正二年三月初三日河南巡撫臣石文焯謹

奏爲奏明事竊查河北三府荷蒙

皇上念切民生捐收穀石爲儲備之計於本年二月初

九日接准部覆現在出示開捐臣查每穀捐一石

有院司茶果儀二錢臣與藩司在錢糧耗羨內各

有養廉何敢又收此項但向來各處捐納事例正

數之外皆有使費原出自伊等情愿以臣愚見莫

若收貯司庫積少成多統計收足穀四十六萬石

共有銀九萬二千兩留充○裨○益○民○生○之○公○用○似○屬○
可行惟有嚴禁收貯官吏不許分外多索如有違
犯即行從重叅處○臣謹據實奏

聞仰祈

聖鑒謹

奏

可雖收存司庫不過暫寄以備地方公用斷不可歸入
錢糧之內凡此等羨餘緊不得牽混正項國家經費自

有常額全不賴此若將此算爲正項爾等羨餘必仍然
另取不特名實相違且恐移東就西反致滋弊害事

同日又

奏爲恭繳

硃批再陳愚悃事竊

臣疊蒙

聖訓諄切周詳

天高地厚之恩有加無已

臣

惟益深兢惕實心辦事以

圖報稱不敢存一毫私見自干嚴譴

臣

查向來上

除
卽禮名色相沿日久恬然不以爲非甚無謂也至前革
下衙門各有節禮等項皆出自州縣耗羨之內今

將耗羨歸公所有一切規禮臣已通飭盡行革除

臣通盤合算約計一年耗羨共四十萬兩有奇酌

議學政養廉銀四千兩布政司養廉并衙門一切

公費共銀二萬四千兩按察司養廉并衙門一切

公費共銀一萬兩開歸道養廉并衙門一切公費

共銀一萬兩管河道四千兩南汝道三千兩開封

府四千兩歸德等七府各三千兩理事同知一千

州縣

兩開封等府五同知各八百兩開封等府十通判

中食指繁者養廉之數未必足用補完虧項時酌

各六百兩汝州祥符縣各二千兩陳留等四十三

量加增

大州縣各一千兩洧川等五十中州縣各八百兩

延津等十二小州縣各六百兩至臣衙門舊例每

額徵銀一兩有火耗一分一年約有三萬兩仰懇

即加倍亦未嘗不可但此外必無添指方見操守

聖恩賞給

臣為養廉并各項費用此外每年本省公用

以及提塘報資添設塘馬工料貼補解費因公差

遣盤費州縣起解錢糧路費等項皆於耗羨內支

用總計一年約共需銀二十四五萬兩尚餘耗羨銀有十五六萬兩臣斟酌彌補虧空及抵還借項統俟奏銷之時逐一詳開清摺具

奏所有贏餘銀兩存貯司庫另行奏

聞至臣原奏存司庫銀五萬五十餘兩凜遵

諭旨留充本省公用合併陳明謹

奏

人之有技若已有之爲秦誓所稱汝此數奏係效法諾

岷之所爲頗合見賢思齊之義但伊從自己創始能力
行其言今汝所奏雖同亦須照伊力行方克媲美倘行
不逮言則徒多一番饒舌耳事君之道盡得一分真誠
有一分便宜能盡十分真誠便有十分便宜若瞻前顧
後畏首畏尾自己主意不定欲討便宜反致喫虧臨時
方知朕言之不謬也勉之

同日又

奏爲備陳補苴虧空仰請

睿裁事竊查豫省虧空臣已

奏明以耗羨抵補謹將各案虧空分別補苴之法爲

我

皇上陳之一從前承追各案虧空除已完外現在未完銀穀遵照定例嚴查必係實無可追者在所收雍

正二年耗羨內劃補一臣到任後節經

題叅吳柯等十案虧空如力不能完著落楊宗義賠補不在耗羨抵補之列一各屬虧空銀穀自上年

八月內具

奏之後即催令各屬陸續彌補現在止有未補銀九萬五千餘兩穀一十二萬八千餘石內有罔知節

諒此

省竟不力圖湊補者另行參追外惟歛收各州縣

累萬

因錢糧緩徵食用等項皆無所出以致虧空情猶

則何詞以免

可原

請以各州縣所有歷年舊欠錢糧帶徵耗

羨留爲抵補此亦不在雍正二年耗羨劃補之列
如此分項補苴似得情理之平是舊有之虧空約

若能如是，不兩限，糊諭矣。計二年內，可以補完。而現今州縣經徵錢糧，已委立法之初，必防範嚴密，使無隙可乘。方不致滋弊竇。不然，經徵既無專責之人，一有虧空，反無從著落矣。總之國計民生，兩有裨益矣。是否有當，伏乞聖主指示遵行。謹此語信然。

奏

所言皆是，但看行之何如耳。

雍正二年三月二十四日 河南巡撫 臣 石文焯 謹

奏爲恭繳

硃批併陳愚悃仰祈

睿鑒事三月十八日布政使田文鏡到豫備傳

諭旨又於二十二日奉到

硃批奏摺

臣仰荷

聖主諄諄教誨造就成全頂戴

隆恩感深涕下伏念臣本無寸長蒙我

皇上逾格超擢何敢不出真心以圖報稱特是才庸識

淺未能上副

委任殊恩日深內愧因將錢糧一事效法諾岷而行斟酌區畫兩次奏

聞更蒙

硃批訓勉臣惟拳拳服膺本實心以行實政更有布政此人觀其已往可稱全璧向後未知如何如果能始終如一使田文鏡職司出納認真辦事臣得相資爲理務一可保其不辱朕之簡拔期克收實效以副

睿懷至州縣養廉蒙

聖諭食指繁者未必足用仰見我

皇上體恤臣工之心無所不至

臣謹遵

恩諭俟虧空補足時當與田文鏡斟酌另

奏又緩徵州縣虧空

臣

與田文鏡再行嚴查如有數

多者即行叅追再收捐所有院司羨餘

臣

已奏明

暫存司庫以爲裨益民生之用理合一併據實

奏明伏乞

睿鑒謹

奏

諸惟爾等悉心區畫認真辦理莫慮朕不見知也

同日又

奏爲雨水霑足田禾茂盛恭慰

此日之雨澤真所謂

聖懷事竊查豫省地方於三月初三日自丑至酉甘霖

恩浩蕩也朝鮮黑龍江一帶及四十八旗蒙古地方亦

大沛臣不勝欣喜即於是日奏

皆同日得雨實春雨中希有者

聞蒙

硃批陝西山西山東江南同日得雨爾省自然普遍霑

足查闔省州縣果俱報得雨是河南省均沾膏雨已

在

聖明洞鑒之中今南陽汝寧汝州所屬各報於三月初
一初七等日得雨現在二麥茂盛收成有望民情
悅豫再臣於出闈後親赴南北兩岸查勘工程平
穩其卑薄堤工應行加幫之處臣與嵇曾筠酌擇
險工上緊興修以資捍禦合併奏

聞上慰

聖懷謹

奏

豫省河工朕日夜厘念必使中州赤子永無衝決之患
方愜朕心當督率屬員竭力興築用心防護時刻毋得
稍忽在爾任內爲第一要務人事果修

天鑒不爽尤在爾之忠誠上格庶可望安瀾之慶也

內閣侍讀學士

臣班第謹

奏爲奏

聞事竊

臣

到河南鞏縣祭享有宋諸陵忽有生員同

百姓人等攔路訴稱知縣張可標託名預備祭祀費用強派民財等情具呈控告臣所到之處一飯之外禮物概行謝絕而地方貪婪官吏乃託名祭祀科派小民因交與陪祭之彰德府知府朱鈞問明口供以便行文巡撫隨據朱鈞覆稱知縣張可標去年因驛站事曾借用部民銀數百兩此番祭祀雖亦借貸尚未全交今已退還百姓近因知縣出示生員與百姓一體當差

因此生員懷怨誣告今情願息訟乞將原呈退還等語併具有情願保結及印文投遞臣復細問生員百姓等僉云知縣強借銀兩甚多不獨今日一事我等小民何敢以無影之事誣賴本官今知縣情願照數清還強借銀兩改前所行我們知縣也還老實惟有寫字人周姓與書辦劉姓者甚是兇惡我等衆人受其荼毒已到極處倘將此二人革除我等便可安枕惟求將原

呈發還等語

臣

又暗行訪問此番首告亦非衆

人本意知縣張可標素與教官楊倬生不和因
唆其生徒首告衆人恐致情事張大故求苟且
了事知府朱鈞亦恐巡撫怪其不能息事以故
力為周全臣即照呈謄錄一紙收貯將原呈發
還令知縣將所借銀兩清還百姓仍遵舊例不
令生員與百姓一同當差將告示收回其書辦
劉姓等立行逐革不可因百姓首告挾讐伺釁

以求報復同教官二人互寫保結眼同交與朱

鈞臣即起身赴京此事雖屬細微但

皇上自御極以來整理庶政務期弊絕風清似此有

闕吏治民風之事臣何敢匿不上

聞謹具摺備陳情由伏祈

睿鑒謹

奏

前遣致祭宗陵班第回京奏此一事爾地方上竟有此

等貪官此等惡習殊為不法之甚宜細細訪察知縣張
可標教官楊倬生欺跡併將生事之衿監及姦胥猾吏
等重繩以法知府亦宜能辭私和之咎槩難寬宥必痛
加懲創一番方能革除積弊但班第既回前事已過當
另為發端以彰國憲伊不過偶爾相值即有此等事件
可見爾所屬境內似此劣員穢跡刁衿蠹役豈止一州
一縣自然他處更多爾為封疆領袖所司何事若不能
措施政令移風易俗仍前因循闡茸則大為溺職矣督

撫大吏豈鄉原所堪亟當奮勉振作以副朕委任之至
意



硃批諭旨卷三十上

欽定四庫全書

史部

硃批諭旨卷三十中

臣永瑢恭校

編修臣裴謙覆勘

總校官中書臣朱鈐

校對官中書臣胡紹基

謄錄監生臣張元功

欽定四庫全書

硃批諭旨卷三十中

硃批石文焯奏摺

雍正二年二月二十二日河南巡撫臣石文焯謹

奏爲捧讀

聖訓感愧交深謹據實陳明仰祈

睿鑒事欽奉

皇上硃批諭旨併

發班第奏摺等件到臣叩頭跪讀愧赧無地竊以地方

有司庸劣之輩每多藉端向富戶借貸此等惡習

難逃

聖鑒

臣

屢經嚴禁

如有違犯許被害之人赴

臣衙門控

若不

秉公激揚

嚴行糾察

雖舌敝唇乾

其未之聞

何

告凡遇屬員公謁又諄諄告誡不啻三令五申詎

意臣監臨文闡時乃有河南府屬之鞏縣知縣張

可標巧借祭陵名色又以封櫃為辭膽敢借貸致

起事端而教諭楊倬生挾有私嫌於是從中播弄

迨臣出闈即據陪祭之彰德府知府朱鈞稟知其

事臣隨以不職糾叅立行摘印已奉

旨革職究審治罪其原叅疏內未曾明言其事者蓋恐

此人長糾黨生事之風也教諭楊倬生懷私逞忿臣愚

意姑緩時日即當咨叅以示懲創今蒙

聖訓詳明臣謹銘之肺腑一一凜遵

諭旨而行至朱鈞原係委令前往陪祭適逢其事奉發

審問口供嗣因原呈人等於班第處哀求息結故

若別

未詳報隨將情由據實稟臣情尚可恕但查朱鈞

在

彰德府居官亦不過

平常供職無甚好處容

臣

過

另行查叅

臣惟敬體

聖心時加密訪屬員之中一有劣蹟即行嚴叅以爲貪

黷之戒臣不肯舍己徇人自詒伊戚凡爲人臣分

當實心爲

國班第所奏是其不敢隱蔽之忠誠臣益當效法以

報

主知謹披瀝愚悃伏乞

睿鑒謹

奏

諺云說得一丈不如行得一尺

宣聖所以聽言必觀行也積年老吏之習不合封疆重任之體總要規模弘濶志慮精白不屑屑於市恩避怨方爲無忝厥職

同日又

奏爲據實陳明仰請

聖裁事竊查開歸道兼管通省漕糧驛鹽等務責任綦重臣到任後見陳時夏居心忠厚操守廉潔但不曾歷任外官一切政務多所未諳於採買漕米一事因部價不敷甚畏難憂懼督催兌運每事過於寬厚弁丁遂多貌玩稽延臣謹據實奏

聞仰懇

若有遲誤公事之處據實直叅以便明正其罪陳時夏聖裁或將陳時夏補授在京閒散之職其員缺另簡賢

居官

能補授庶要缺得人臂指有助矣同知管祥符縣

事祖承祚臣聞其實心辦事是以奏請管理祥符

縣事今查祖承祚每事過於慎重未免失之遲鈍

不能理繁治劇臣不敢以先經保奏之員遂為徇

隱查許州知州王士俊係奉

旨揀選發來題補之員留心政務辦事勤敏仰懇

聖恩將王士俊以知州調管祥符縣事許州地僻事簡

即以祖承祚調管許州知州一轉移間則繁簡適

當矣又尉氏縣知縣馬作肅係山東進士到任未
久臣於文闡見其年非壯盛才亦平庸難膺民社
之寄伏祈

聖恩將馬作肅改補敎職實爲允當理合一併陳奏伏
乞

睿鑒敕示遵行謹

奏

所請皆具疏題奏

爾省中屬員養廉甚不敷用不肖州縣竟有設法巧取之說當同田文鏡留心察訪嚴行誡飭

聞吳如譯聲名不好廢弛營伍果然否查奏以聞

豫省官塘以及偏僻道路烟墩俱宜整理修葺直隸山東道傍皆遍種樹木此法甚善今歲似已過期可預行通飭備辦俟明春乘時栽植毋悞若不訓戒屬員借此或致擾民生一事又不如省一事也

雍正二年閏四月十三日河南巡撫

臣

石文焯謹

奏爲奏

聞事竊查河南全省地方麥已收穫約有十分九分八分不等農夫野老歡聲遍野共祝

聖壽萬年其收成分數俟各屬報齊另

奏再查河北地方因去年遺下蝗種陸續生發已委

此事全賴人力勝之稍爲怠忽從事致令滋蔓則其害南汝道佟鎮督同該府縣營汛等官上緊撲打已

曷可勝言耶

減十之八九間有續發之處現在搜撲務期盡絕

勿使爲害又黃河兩岸工程臣加意嚴飭防護俱

獲平穩一切修築事宜臣與嵇曾筠同心協力商酌辦理以求上副

聖懷合併陳明謹

奏

伏汎已過之後方可言得平穩效克奏於勤患每貽於怠慎之慎之

同日又

奏爲據詳陳明仰懇

聖恩事竊查豫省駐防官兵歲需米豆草束各價值例
係一年兩次照時估報所有康熙六十一年十月
起至雍正元年四月底止經前撫臣楊宗義確訪
時價粳米每石一兩八錢粟米一兩七錢黑豆一
兩五錢草每束一分九釐估價具

題部覆行令逐一核減臣於上年四月內到任後復
行確估查原估價值委因連歲收成歉薄各價騰
貴實無浮冒難以核減經臣具疏

題覆又雍正元年五月起至九月底止米豆草束照依時價從減估報亦經具

題在案適因四川成都府駐防官兵應需豆草米折等項銀兩戶部具

題奉

旨諭吏部戶部兵部各省給發駐防官兵米穀草豆等項價值不一除已有定額省分照常給發外其餘未曾定額省分多寡不符理應將本省歷年給發之價

酌處其中畫一定議價值一定便於遵行如遇年豐
價平稍有贏餘於官兵亦屬有益倘歲歉價貴該督
撫據實陳奏朕自加恩欽此隨經部議定河南省粳
米每石一兩五錢粟米一兩二錢豆一兩一錢草
每束一分七釐等因具奏奉

旨依議於雍正元年七月十八日准戶部咨行到臣欽
遵在案所有兩次題估各價值部咨行令俱照中
價折給除雍正元年八九兩月在奉文之後遵照

折中數目動給外其六十一年十月起至雍正元年七月底止俱於未奉文之先早已照依時價採買供支今據布政使田文鏡詳稱此項給過米豆草束若照折中定價報銷勢必追出還項但官兵久已贍養家口餽飼馬匹若問之採買之人又係行戶照時價發買並無浮冒相應請照原估核銷等情臣恭摺繹

上諭倘歲歉價貴該督撫據實陳奏仰見我

皇上至聖至明愛養官兵之至意是定中價之後設遇歉收仍准

奏請今元年七月以前所給米豆草束原因歲歉價昂採買銀數比折中定價計多銀一萬二千餘兩屢據司詳請照原估核銷臣以事關多給未敢市恩具

題理合備叙情由繕摺具奏

恩出

聖裁如蒙

皇上俯允將未奉文之先給過米豆草束價值仍照原

估核銷仰懇

敕諭該部查照施行伏乞

睿鑒批示謹

奏

未敢市恩具題是何言歟駐防官兵不止豫省一處國家糧餉自有定制亦非朕市私恩之物具本聽候部議

雍正二年閏四月二十一日河南巡撫臣石文焯

謹

奏爲奏明事竊查開歸道陳時夏操守聲名俱好祇
因才非肆應前赴衛輝辦漕採買兌運事事遲鈍
以致稽延時日是以臣

奏請改補京職今蒙

硃批指示仰見我

皇上恩覆如天明同日月該道在省一切政務臣惟與

之商酌辦理以勵後效倘有遲悞之處即當指實

題叅除祖承祚

聞此人甚好不知確否

王士俊等遵

旨具本題請外理合

奏明謹

奏

聞臨潁縣林貽熊儀封縣袁珂二人聲名好果否真偽
細訪的確并何處籍貫據實奏聞此非採之輿論因有
人舉薦恐其偏袒故爾諭問汝與田文鏡合詞具奏

又聞鄭州知州高文愷捕蝗不力當確查其盡職與否若不認真辦事即應斟酌以定去留

同日又

奏爲凜遵

聖諭次第舉行仰祈

睿鑒事閏四月十三日奉到

皇上硃批諭石文焯田文鏡發來條奏數事雖非地方急切要務然亦不可不料理者爾等商酌徐徐次第

舉行若貪求速效反致有累地方則非朕之意也又

臣奏摺內蒙

硃批豫省官塘以及偏僻道路烟墩俱宜整理修葺直隸山東道傍皆遍種樹木此法甚善今歲似已過期可預行通飭備辦俟明春乘時栽植毋悞若不訓戒屬員借此或致擾民生一事又不如省一事也欽此仰見我

皇上睿慮周詳指示明晰臣隨與田文鏡共商整理預

兩前

奏題規等項

盡歸司庫

今云通估修葺完整

此費

出自

何所詞不涉虛耶

備舉行查各處墩臺

臣

上年入境

目擊傾頽

遂通

費

飭所屬修葺完整并移兩鎮撥兵防守祇因防守

之兵止係本身在墩日間或就食村莊或暫歸家

室未能時刻不離汛守臣等商議選有妻室之兵

令其移眷居於墩臺之傍酌量添蓋房屋其需費

公項

正應此等處支用

統於公用項下支應再豫省道傍原有樹木因連

由去

年砍伐方盡月何云相因而至

此費

費

費

費

費

年歉收逃荒人民將柳葉柳皮盡行採取以充口

食樹漸枯槁遂砍伐爲薪此亦相因而至之事今

臣等商酌預備明春舉行必求於事有濟於民無擾至武陟決口被衝人民我

皇上御極之初即遣官賑濟河北窮黎所有水淹涸出之地畝已給籽種去秋已慶豐收今年又獲二麥瘡痍漸起元氣將復又中牟決口被衝人民已遵特諭確查賑濟均沾實惠是前後復業之民皆已得所臣等留心查察如仍有失所之民即當設法安輯災黎得所尚恐未然樂業二字談何容易務令樂業以上副

皇上愛育元元至意緣奉

特諭事理爲此一併陳明謹

奏

不望汝等如禹稷之饑溺存心以副朕愛養元元之意
但能循分盡職安輯本境貧民使不致失業即可無愧
撫綏之任矣

雍正二年閏四月二十八日河南巡撫臣石文焯

謹

奏爲恭報二麥收成分數仰祈

睿鑒事竊查河南全省地方二麥均已收獲查懷慶衛
輝南陽三府屬收成皆十分九分不等開封府屬
之杞縣等十六州縣收成十分至八分不等汝寧
彰德二府并汝州屬收成皆九分至七分不等歸
德河南二府及開封府屬之祥符等十八州縣收
成皆八分至五分不等兩河百姓共慶豐收皆荷
我

皇上仁恩廣被感召

天和之所賜也現今麥價每石七錢五分至八錢不等再查各屬所種秋禾俱長發茂盛至河北地方所生蝗蝻據南汝道佟鎮稟報各已撲滅十之八九現在仍行搜捕務使盡絕無遺不致爲害合併

奏明伏乞

聖鑒謹

奏

麥秋如此收成殊慰朕懷但捕蝗一事爾河南省甚屬懈怠屬員藉諉之詞斷不可聽朕將四省情形比較觀之甚明非如爾等目目止及於本境一偏之見也此事全賴撲捕不遺餘力方能盡絕如云十去八九譬之療疾究未除根此乃伏脈以便將來作撲滅已盡又因隣省飛來等語之張本爾等或可受屬員之欺誑情然不覺朕君臨天下若遇欺誑之語亦漫無覺察其如萬幾何此等陋習洗滌淨盡方好

雍正二年五月初二日河南巡撫臣石文焯謹

奏爲恭報甘霖大沛仰慰

聖懷事竊臣查明二麥收成分數已恭摺奏

聞并

進呈麥麵在案民間又當佈種晚穀豆子方在望雨

甚殷於五月初一日甘霖大沛省城四郊均已十

分透足已種之地沾濡優渥未種之地爭事鋤犁

俟各屬報齊另

奏外查河北地方蝗蝻臣飭委南汝道佟鎮躬率印
捕等官實力搜捕并令鄉民撲捉按斗給錢今佟
鎮事畢回省據稟小民圖利每處不下千餘人踴
躍搜索計日掃滅臣猶恐間有遺種復飭該地方
官遍行搜查務期盡滅無遺合併

奏明謹

奏

聞爾省蝗蝻並未捕絕朕前諭何等諄切乃仍作此不

了之語以相搪塞殊屬玩忽歸咎隣省之伎倆朕已道
破想董其役者猶或未之聞耶更嚴飭撲滅淨盡以聞
一查河南河工所需草束甚多俱派各縣辦運
每草一觔開銷正項一釐在各州縣採買價值
以及運送腳費大約秣糈穀草一觔需費三四
釐不等合計每縣一年辦草數次每次不下三
十萬觔除正項外每運約賠五六百金統計一
年約賠數千金承辦州縣先猶那動庫銀再圖

彌補今則正項隨徵隨解火耗亦解補虧空無
項可那不得不按派里民押令辦運此買草之
一累也

一查河工搶險幫堤築壩捲埽在在需人上司
按府分派州縣州縣派之里民約計每邑派夫
八九百名不等貧民在工力作露宿風餐每夫
四名掘土方一塊定價一錢二分除節省外只
給九分六釐計每名每日所得不過二分四釐

一人赴工除起身路費鋤筐衣服州縣捐助外
家中日食俱本地協助河工之需夫日衆里下
之派累日深此派夫之一累也

有人奏此一二事覽之不勝駭異朕如此推心置腹任
用爾等凡有累民之舉槩令據實入告而爾等竟若罔
聞政令乖方一至於此朕惟仰天淚下亦無言可諭爾
等也石文焯嵇曾筠田文鏡同看

雍正二年五月十八日河南巡撫臣石文焯謹

奏爲恭讀

聖諭據實陳明事五月十一日接到

皇上發來條奏河工夫料二款仰奉

硃批臣跪讀之下實切悚惶伏查豫省河工捲埽與護

堤防風全賴秫稻穀草皆需車運民間所用四輪

車止可運八九百觔最多不過千觔故用車甚多

難以覓僱不得不借民力運送相沿已久臣到任

後以運料一事累民適值備料防護秦家廠等處

工程臣即發銀委員就近收買每秣稻百觔照時價給銀二錢民無運送之累及十里店等處漫口分頭堵築需料甚多因秋收豐稔秣稻穀草在在皆有每百觔時價不過一錢外加運費三四分不等委員自行收買毋許派累小民祇因需料數千萬之多附近俱已買完而堵築工程亟須上緊告竣始發價與開歸河懷四府屬之相近州縣辦買濟用即少借民力亦出於萬不得已時值豐收之

際辦買物料源源濟用以是各處漫口得於數月之內相繼堵築完工目下惟歲修搶修需用物料無多當此豐年就近預先收買不須運送更無累民之處至於做工夫役豫省向例皆按地應夫興修大工各縣協濟每夫日給工食外里民尚有幫貼因本省並無應募之人也今加幫兩岸堤工估計土方銀四十九萬有奇沿河各縣皆有堤工每土一方向例定價銀一錢二分除加一節省并行

礮澆水做邊等費外實給銀九分六釐江南每日

未必

二人做土一方每人約得銀五分乃豫省之人習

懶河南人盡懶江南人盡勤斯言謬矣不肯力作每日三人四人方能做土一方故所

得之價比江南較少若變通其法按夫日給工價

動公

夫役甚衆難以稽查督率勢必乘間偷安以致遲

延糜費不得不仍照舊例按方給價此里下所以

有幫貼食用之事也臣已與嵇曾筠田文鏡共商

召募力作之人給以僱價但沿河各州縣在在興

修所僱之夫百不及一惟有一面儘力僱募一面
仍用里夫俟漸募漸多則里夫自可漸省矣臣仰
蒙

聖恩委任封疆如果有苦累小民之事臣何敢不據實
入

告恭請

睿裁而甘自蹈隱飾之咎河南地接

畿輔我

皇上日月照臨事無鉅細盡在

聖明洞鑒之中今蒙

硃批嚴切除即與嵇曾筠田文鏡同看外理合據實覆

奏伏祈

聖恩指示謹

奏

朕無可指示全在爾等秉心公忠實力奉行耳毫無影
響讒譖之口斷不能惑朕之聽聞此不足慮也若所言

稍有一二切中實病之處亦非巧詞喋喋所能支吾者
但當返躬自問果無愧衾影即坦然處之若內省稍覺
未慊則應悔過修己汲汲改圖以蓋前愆不然雖暫時
搪塞過去日後發覺將何辭以免倘能以公忠二字自
律屏除私念渾然天理事事皆出於愛國愛民之誠書
曰天聰明自我民聰明則必蒙

上蒼降監神明垂佑又何慮不受知於上不見信於下也
大抵百凡究宜探本尋源不必在枝葉波瀾上做工夫

勉之勉之

同日又

奏爲恭謝

天恩事五月十一日臣進摺人回奉到

皇上賞賜太乙紫金錠等藥兼頒服用各方臣恭設香

案望

闕叩頭謝

恩祇領訖

恩賚自天感愧無地為此繕摺恭謝

天恩以伸微悃再蒙

聖諭嚴行保甲誠弭盜之良法臣已嚴飭地方官盡心

編查實力奉行以仰副我

皇上靖盜安民至意豫省得雨情形已於五月初二日

具摺奏

聞嗣據各屬呈報俱各得雨透足秋禾長發甚茂晚穀
豆子俱已種完西成大有望現在河工亦獲平

穩伏汎將屈

臣

同嵇曾筠督率廳縣等官加謹修

防又許州知州王士俊操守才具皆好經

臣調管

祥符縣事已遵

旨具本上年支過兵米豆草各價亦仰遵

聖諭具題聽候部議理合一併具

奏伏乞

聖鑒謹

奏

所奏諸務已悉惟勤自勗勉毋稍玩愒蝗蝻已盡行撲滅否

同日又

奏爲恭繳

硃批據實奏

聞事欽奉

聖諭聞臨潁縣林貽熊儀封縣袁珂二人聲名好果否真偽細訪的確并何處籍貫據實奏聞欽此查林貽

熊係廣東東莞縣舉人居官勤慎聲名亦好袁珂

原聞

係浙江平湖縣籍江南華亭縣人由歲貢教習知縣敷政明敏操守聲名皆好鄭州知州高文愷該

州境內從前並無蝗蝻生發據報於五月初六日

有飛蝗落地隨即帶領夫役撲捕等情臣即飛飭

該州上緊搜捕務期盡絕勿使為害至其平日居

田文鏡

亦如此奏日前所聞出自讒譖之口耳

此人

雖聞其聲名不好若才具堪用姑且教導令其改

彰德府知府朱鈞容臣與田文鏡即行查參謹同

過

布政使田文鏡合詞覆

奏伏乞

聖鑒謹

奏

覽

諭石丈焯向聞豫省有姦民以白蓮教名色煽惑鄉愚
於汝未任之前朕經面諭汝亦曾奏朕有此教甚密之
語發姦摘伏正爾等分內之事豈可因其密而遂置之

不問一任其潛滋暗長乎嗣後惟宜處處留心時時密訪第不可妄囑屬員致令擾民驚衆魁姦得以訶知消息深藏潛匿反與事無益須不露聲色嚴加伺察少風聲即權巧設法不惜重賞弋獲首惡必能除其教長方為拔樹尋根之善著庶可永斷葛藤倘若處置失宜反致激出事端則又大不可也密之慎之此諭只可汝與田文鏡知之毋忽

諭石文焯田文鏡聞爾河南省將州縣火耗贏餘一概

盡歸藩庫以補虧空又每千兩解費二十兩名曰平餘
州縣分文不與有官窮民困之論指摘鑿鑿似無可疑
然亦難遽信第不知汝等何故招此物議也果有此事
否明白回奏

雍正二年六月十三日河南巡撫臣石文焯謹
奏為欽奉

上諭事竊查姦民以白蓮教等名色煽惑鄉愚行踪甚
是詭秘而受其誑誘者聽信最堅奉持維謹誠如

聖鑒此等姦民惟在地方官加意密訪設法緝究臣去

春面承

聖諭銘刻於懷不敢少懈到任之後時時留心訪察惟

候少有洩露即盡力推求殲厥魁姦以除此習但

未便彰明查拏以致不肖官役借端擾民復徧張

告示勸諭鄉愚各安本業毋許聽信姦民鼓惑自

投法網再臣細訪此輩倡惑意在財為啟亂之階騙財因前數年

收成歉薄小民謀生不贍其教亦漸哀息但若輩

極其詭祕誠恐密肆煽誘亦未可定今蒙

諭旨諄切臣惟與田文鏡時刻留心密訪緝究以仰副
皇上整齊風俗綏靖人心之德意耳理合恭摺覆

奏伏祈

聖鑒謹

奏

涓涓不塞流爲江河所以聖人謹於防微杜漸若不除
之於早其害必致蔓延此事慎毋泛泛視之一者整齊

風俗潔清地方二者抑邪扶正消弭禍患於未形也

同日又

奏爲遵

旨回奏事

臣欽奉

硃批諭旨聞爾省將州縣火耗贏餘一槩盡歸藩庫以
補虧空又每千兩解費二十兩名曰平餘州縣分文
不與有官窮民困之論果有此事否明白回奏欽此

臣查豫省州縣徵收錢糧封櫃委拆火耗解貯司

庫闔省各官分別給以養廉一切公用悉於司庫
支應於正月內具摺奏

聞^臣復將各官養廉及公用等數目并分別彌補虧空
之法備細酌議續經具奏是豫省錢糧出納及新
舊虧空各情由盡在

聖鑒之中在官各得養廉在民並無困苦至藩庫收兌
錢糧原有加平二十兩內係巡撫衙門十兩藩司
八兩以及庫書等費自^臣

奏明耗羨歸公已將此項革除今奉

上諭每千兩解費二十兩名曰平餘州縣分文不與臣

查各官養廉前蒙

諭旨允准即令布政使田文鏡按季給與已於閏四月
二十一日繕摺覆

奏至平餘之說先據田文鏡曾言州縣拆解錢糧逐
封歸併每千兩有餘出六七兩四五兩不等少則
亦有二三兩飭令州縣解司歸公或平餘之名即

由乎此臣蒙

聖恩至深至厚一毫不敢欺飾理合據實陳明謹

奏

朕豈肯因風聞不確之論即加罪於爾等雖然物必先腐而後蟲生此等浮詞未必無因而至爾等但有則改之無則加勉若謂如此流言不過費數行摺奏即可釋然消滅更加縱情肆志則將來必至於不可挽回也勗哉

同日又

奏爲恭繳

硃批仰祈

睿鑒事竊

臣

查豫省入夏以來雨水十分霑足前後播

種秋禾俱極茂盛佇慶豐登伏汎內水勢雖長正

值天氣晴明隨即漸消

臣

同河臣齊蘓勒前赴北

岸查勘現在工程均獲平穩今將屆立秋伏汎可

保無虞

臣

與嵇曾筠嚴督印河等官上緊防修以

保秋汛從前各處所生蝗蝻俱已捕盡續後間有發生之處亦皆隨即撲滅臣復嚴飭各屬加意搜查設有生發之處務期撲捕淨盡毋致爲害所有奉到

硃批理合一併恭繳謹

奏

堤工平穩大慰朕懷六月初間京城四日夜大雨張家灣一帶水長數丈堤岸幾處潰決朕爲豫省拳拳在念

無日不神馳於黃河南北兩岸將半月餘矣仰託

穹蒼垂憫河靈默庇伏汎竟保無虞朕心歡暢筆不能宣
茲秋汎在即更宜預事綢繆竭力防禦再加以忠誠之
心上格

神明祐助今歲得保安全迨秋冬之際相度水勢之趨向
培補堤岸之卑薄謹守三二載正流日漸通暢水由地
中行將來永慶安瀾上可釋朕躬宵旰之憂下可免億
兆昏墊之苦是全賴卿等實心任事服勞盡瘁之力耳

克勤克慎毋怠毋忽將此諭亦令齊蘇勒砮曾筠知道
聞蝗蝻有接續生發者務必督令滅盡而後已當選委
誠實勤幹之員令其不時巡訪近日山東州縣中竟有
隱匿其事捏報撲盡而禁止百姓聲言有蝗者陳世倌
親身察出已叅奏矣爾屬員之內保無此等不肖下吏
其欺隱之詞不可信以爲實而代爲受過也再加一番
嚴飭時刻留心勿使少懈

雍正二年六月二十三日河南巡撫臣石文焯謹

奏為奏明事竊豫省士子每恃護符武斷鄉曲挾制
官長動輒倡首脅衆習以成風臣出示嚴切告誡
并於考試教官時面諭約束士子安分毋許多事
乃有封邱縣生員王遜等因知縣唐綏祖以時屆
伏汛工程緊要按照地畝令各社出夫論方給價
遂挺身赴臣衙門具呈求免隨批開封府查詢又
據該縣里民黃持懸等稟稱身等在工縣官按方
給價並無短少特為辯明冤累等情亦發開封府

併查去後五月二十二日王遜等乘唐綏祖赴鄉
捕蝗至晚回縣攔阻不容進城口稱徵收錢糧應
分別儒戶爲何與百姓一例完糧一例當差築堤
亦不許用社夫等語臣聞報即委開歸道陳時夏
前往嚴切開示方各退散值學臣按考開郡王遜
等列款赴學臣衙門控告知縣唐綏祖經學臣批
發開歸道查詢王遜等阻抑諸生不許赴考至期
僅有生員二十三名應試又有武生范瑚等竟將

童生冊卷擡去不許應試疊據開封府詳報批行
布按二司嚴提究審間開歸道陳時夏因奉學臣
之批詢問王遜等惟稱若要我等赴考必須免了
我們按地出夫叅了唐知縣若是不免夫不叅官
斷斷不考等語似此脅衆罷考挾制官長不法已
極知縣唐綏祖既被控告臣已另疏

題請解任質審惟是臣自愧庸拙不能移風易俗咎
復何辭爲此據實奏

聞伏乞

聖鑒謹

奏

地方上遇有此等事出亟宜整飭一番申明國憲但若
令爾等審理未免避忌袒護屬員輕蔑士子之嫌反有
干礙朕特遣部臣前來嚴加懲創以正惡習於田文鏡
前奏已有旨矣

雍正二年七月初五日河南巡撫臣石文焯謹

奏爲恭請

聖裁事竊查河北三府仰蒙

皇上軫念民生籌畫倉儲

諭臣酌開貢監等例臣隨準照各事例酌議九款每石
按時價連運費約計一兩二錢議定各款收捐穀
數經總理事務王大臣等議覆奉

旨依議欽遵在案於雍正二年二月初九日接准部咨
轉行河北各府縣開捐照數收納穀石查豫省今

歲二麥豐收雨水霑足早穀高糧俱已成熟晚種穀豆亦已秀實陸續登場今年穀價必較上年更減小民完納錢糧全藉糶賣米穀穀賤傷農不得不爲籌計現今雖有捐穀事例但願捐者大概皆係富室穀石出自收穫無須糶買臣愚以為豫省

動賑之後倉廩空虛亟宜趁此豐年廣為儲備但收銀之說斷然不可省當日曾為此舉貽害至今不收捐事例似應改捐銀兩委官採買穀石收貯則省縣未有不民間所獲得以流通庶不致有穀賤傷農之慮查

其屬

不合

河北三府原請收捐穀四十六萬石今自開捐以

來止收穀四萬三千餘石尚有未捐穀四十一萬

餘石

臣請仍照原

題欸項穀數每石收銀一兩二錢革除外費令赴布

政司衙門交納出給實收即將此項銀兩照依時

價於原題各府州縣倉委員按數採買收貯不許

那有

許多良吏

扣剋累民不許虛冒肥己如此則民間穀石既得

易銀濟用所有贏餘較每穀一石收費二錢更爲

增益悉可留充裨益民生之公用爲此奏請

聖裁如蒙

俞允臣即具疏

題改抑臣更有請者河南人情鄙吝利較錙銖查原

題捐納監生係穀一百石每石一兩二錢應納銀

一百二十兩查戶部事例止一百零八兩請照戶

部捐銀一百零八兩則人必爭先捐納矣伏乞

睿鑒敕示遵行謹

奏

如果穀多價賤應按時價增穀收捐題請加穀方為合理設曰爲利農起見不過有益富民窮民那得千百石穀出糴此等取巧作用何可施於朕前徒自取辱耳凡百只宜抒誠不宜弄巧老姦巨猾四字不可不避此四字在市井商賈輩運其機智成家立業者或有之要非封疆廟堂大臣之體也朕最惡此習氣將爾所奏併朕諭與田文鏡看

同日又

奏為

天恩高厚感激難名謹具摺奏

謝以伸微悃事竊臣子石禮哈以庸材鈍質荷蒙

聖主逾格殊恩擢用副將甫及一年涓埃未報復奉

特旨補授貴州威寧鎮總兵官

臣聞

命自天感激無地伏念臣蒙

皇上委任隆恩自愧才庸識淺未能圖報萬一而臣子

石禮哈更蒙

聖恩優擢畀以重任誠不知何以效犬馬之報上答

高厚之恩惟有嚴訓

臣

子盡心供職綏緝地方以仰報

天恩耳為此繕摺恭

謝謹

奏

若以資品而論爾子在爾之上石禮哈一派天真爛熳
開心見誠是一個盡已聽命之人不似爾前後左右四

面八方都防範到老於世故之伎倆此子本質可取將來加一番陶鎔造就朕期其可爲國家柱石非比爾苟祿全身畫地自限止於此而已者若將爾之積年本領教導他恐反至壞伊天良爾只慶幸自己有何好處育此佳兒則可若謂爾訓誨出如此後人來朕則不許將此諭亦與田文鏡看

雍正二年八月二十六日河南巡撫臣石文焯謹

奏為恭報秋成分數仰祈

聖鑒事竊

臣

於六月十三日將豫省雨水霑足秋禾茂

盛情形具摺

奏明今各屬已報收獲查彰德衛輝歸德等府屬之
州縣收成俱十分九分不等懷慶河南南陽汝寧
等府屬之州縣收成俱九分八分不等開封府屬
之陳州西華等九州縣收成俱十分九分不等其
餘祥符陳留等二十五州縣收成俱八分七分不
等皆由我

皇上宵衣旰食無刻不以民生爲念至誠上格

天心神明默祐之所致也所有各屬收成分數理合奏

聞上慰

聖懷謹

奏

豫省如此豐收閭閻大有起色朕心不勝愉悅今命汝署理浙撫事務沿海災民當加意撫綏以副朕痼瘼之意

雍正二年九月初三日河南巡撫臣石文焯謹

奏爲恭謝

天恩仰請

聖訓事

臣

質本愚拙荷蒙

皇上畀以撫豫重寄寸長未效跼蹐靡寧乃因浙省沿海偶被漲漫

特諭

臣

馳驛前往署理巡撫印務撫恤災民

臣

聞

命自天感悚交集自知才識短淺非得仰請

聖訓無所遵循因奉

旨馳驛前往未敢趨叩

闕廷伏懇

實心擔任秉公而行何事不辦慎毋因循退縮反致顧

聖訓指示臣得凜遵奉行以求上副我

此失彼有綆短汲深之慮也勉之
皇上痼瘼民瘼之至意抑臣更有請者浙省杭嘉寧紹

溫台六府皆有沿海州縣道路綿長必得遴委幹

員分頭料理方克有濟惟是臣甫經抵浙屬員才

具一時不能周知查南汝道佟鎮委令捕蝗及查

看墩臺實力辦事勤勞無悞衛輝府知府張建德
老成歷練辦事勤謹知州管祥符縣事王士俊勤
幹有才實心任事河南府通判馬駟年富力强辦
事去得又臣標遊擊馬世龍料理事務不辭勞苦
以上五員仰乞

聖恩准臣帶往浙省分路賑恤庶任使得人則事有實
濟而無浮費災黎早受一日之惠則早慰

聖主宵旰之懷抑或於此五員中

恩賜二三員前往浙省委用總出

聖恩爲此繕摺請

旨謹

奏

有旨諭部矣浙豫兩省朕一視同仁浙江亦有特簡之
員儘堪驅策第目下賑恤一事需人頗多許汝帶三人
去事畢速令回任毋久羈留

雍正二年十月初四日署理浙江巡撫印務河南

巡撫臣石文焯謹

奏爲謹陳沿海賑濟事宜恭慰

聖懷事竊臣於九月初三日自河南起程於十五日抵

杭受事接准部咨欽奉

上諭著動倉庫錢糧速行賑濟仰見我

皇上睿慮周詳軫念災黎望賑孔迫惟恐耽延時日不

能卽沾實惠臣卽飛飭沿海州縣確查被水災民

戶口一面委員前往監賑外臣查原報被水之仁

和等一十六縣并海寧衛所內有平湖奉化定海
嵎縣永嘉海寧衛所俱勘不成災止仁和等十一
縣各被災分數不等臣仰遵

諭旨惟期災民早沾實惠以上副

聖主勤恤民隱之至意竊查煮粥一事必須棚廠鍋碗

此論

甚是

桶杓柴薪等物浮費甚多弊端不一且小民日逐
赴廠食粥路有遠近不等男婦偕行攜男挈女更
多不便臣與布政使佟吉圖細加商酌照前煮粥

之數每大口日給穀四合小口日給穀二合賑給
九十日口糧有穀之處動穀給散無穀之處照時
價折銀給散各委大員以次賑完其平湖等五縣
海寧二衛所雖被災分數不符蠲免之例然水淹
之苦同一情形臣與佟吉圖酌給六十日口糧以
此舉好
廣

皇恩俟散賑完日將動用過銀穀數目造冊

題報再查衝決塘堤已飭各地方官悉行修築以禦

此事咸再三斟酌以石易土所費不貲朕亦不惜第應
詢明今歲海嘯情形若修砌石堤一勞即可永逸則速
議改建安如勢小土堤亦可堵遏勢大雖石堤亦不能
抵敵則何必曠日持久多為糜費也爾等干係甚巨亟
宜悉心籌畫
諭旨之件臣奉

命署理浙撫印務隨公同會審已畢例應安泰主稿列
斯係爾臣未任以前事也不應越俎爾列街會奏即屬多
事不能見德於人而獲罪於朕可謂庸愚之至
奏臣即於十月初六日前往海寧一帶督察散賑查

勘海塘容臣旋署將應行事宜另摺具奏外理合
先行

奏明上慰

聖懷謹

奏

非過則不及率皆不合機宜

雍正二年十月十五日署理浙江巡撫印務河南

巡撫臣石文焯謹

奏爲遵

旨覆奏事

臣蒙

聖恩命署浙撫印務抵任以來一面料理賑濟一面稽

核案牘查有十三案無著虧空共銀九萬二千餘

兩部限四年賠補此係前撫

臣屠沂

奏明各官公捐賠補之項每年需銀二萬三千餘兩

又額設戰船一百三十五隻部定小修大修拆造

各價不敷工料之用各有津貼每年約需銀一萬

餘兩又歲解部餉約費二萬餘兩以上各項并各衙門養廉規例皆出自州縣耗羨之內但浙省賦重耗輕向來總不及加一自黃叔琳到任陋規已盡革除復將火耗減至五六分以致種種公事皆屬無米之炊難以辦理因沽一己之清名坐致公務難辦實大負

皇上簡用之恩臣查豫省諸務所以辦理無悞者皆耗羨是賴雖浙省耗輕不可與豫省一例而論然舍

此而外並無可以設法辦公之項
佟吉圖傳奉

皇上硃批諭旨著臣等細心籌畫而為之
臣與佟吉圖細加斟酌先於各州縣現徵錢糧內每兩量提火耗二分以濟公用
餘俟盡心竭力料理妥當上副聖主體恤臣工之德意理合先行覆

奏伏祈

睿鑒謹

奏

火耗一項或以爲養廉或以爲公用總要酌量通融辦理妥當又不多取於民方爲善於調劑今此奏是將重耗之舉卸責於朕斯豈臣下歸美於君上之道與且蓄既經奏明便可放膽施爲之意如何使得此事另議具奏朕正於此處要看汝之底裏也

同日又

奏爲請

旨事竊查南新北新兩關稅務經黃叔琳奏請以主事

張崇禮趙方觀二員分理均於雍正二年七月初三日受事咨部在案查管理稅務事關錢糧臣抵浙未幾各屬才守尚未周知不敢冒昧委管且張崇禮趙方觀受事三月以來臣細加察訪尚能循分供職應否暫令管理俟臣於屬官中遴有賢員再行具

題委管是否有當仰請

聖裁批示遵行謹

奏

稅務正宜用此二人管理倘有差錯不過以黃叔琳身
命徇之耳爾何爲伊如此關心君臣之義朋友之情孰
輕孰重辨明要緊

雍正二年十月二十日署理浙江巡撫印務河南
巡撫臣石文焯謹

奏爲據報

奏明事竊查浙省沿海地方田廬被淹我

皇上特諭賑濟被災乏食之民乃江浙民情刁詐每多棍徒把持捏名冒領反使實在災民不得入冊甚有地方官受其挾制瞻徇浮開以飽其欲據佟吉圖呈稱各屬造報男婦名口甚屬浮多在災黎亟當拯恤然動用錢糧更宜慎重飛飭該縣逐戶再加確查等情臣復飭催委賑道府實力速行惟浙東之寧波紹興所屬更多刁徒以致確冊尚未核定臣查各處災民先經佟吉圖等捐貲分頭賑恤

因餘姚被災獨重恐前捐給未周又續發銀五千兩補賑此在未奉

上諭賑濟之前已經佟吉圖奏明在案慈谿與餘姚接壤後海二十八都民竈人等有應完場課例不蠲免因該縣比催輸納遂有棍徒希圖挾官停徵倡言餘姚先行賑過縣官領銀不給藉端鼓衆於十月十三日有數百人羣擁慈谿縣署關闔知縣陳淖文託稱患病並不出堂將情由明白曉諭安慰

候賑致被拆毀照牆暖閣打碎宅門寧波知府尚
瑤隨即會同城守遊擊康世爵馳往慈邑傳集民
竈撫諭給發食米令其各回候賑隨於十四日俱
各散歸臣據府縣詳報隨批布政司速飭查賑一
面取該縣職名報叅特是此等刁風急宜懲治若
不嚴拏棍徒究處以為因事鼓衆之戒無以綏輯
地方臣惟密訪確實姓名一俟賑畢即令按察司
密拏解究另

奏外所有慈民借端擁集情形理合先行奏

聞謹

奏

雖係棍徒藉端鼓衆亦未有散賑而不停徵之理此無能之縣令也如云場課不應停徵暫緩追呼以俟賑濟事畢便遲數月何妨此等劣員難勝親民之任斷不可留而倡首鼓衆者必素係地方積惡巨憝萬不可使其漏網當重懲以警不法

雍正二年十一月十五日署理浙江巡撫印務河

南巡撫臣石文焯謹

奏爲奏

聞事竊查浙江沿海被水民人仰蒙

皇恩俱各得所江西湖廣平糶米石陸續運至今年秋
收又好民食可以無虞皆由我

皇上至仁育物膏澤覃敷之所致也再衝坍海塘所有
各處決口已經修築閉塞堵截鹹潮臣親歷查勘

知今年風潮甚大高過海塘是以衝決坍塌其勢最甚原屬僅見之事是以塘工不能捍禦臣查塘身應修之處分委大員丈估詳議土石塘工俱仍舊制興修土者將殘缺卑薄之處加築如舊石者將亂石理齊修砌堅固所需工料現在嚴行駁減務期節省錢糧毋致糜費至原係土塘請改石工之處臣審度形勢若改建石工果可長資捍禦我皇上念切民生亦不惜數十萬金錢以為一勞永逸之

計但海潮勢大即石工亦難保無虞况需費浩繁
實不敢輕議舉行惟凜遵

聖訓悉心籌畫不敢一毫輕忽多費錢糧除應修海塘
俟核實工料另摺具

奏外爲此先行陳明上慰

聖懷謹

奏

將爾前奏與此奏俱交與新任巡撫法海

諭法海知石文焯身為封疆大吏海塘為地方要務似此東說則東隨西說則西就全無一點主見朕亦實難決斷矣爾今與佟吉圖悉心訪詢加意籌畫務得準的具奏朕之前諭並非為錢糧起見蓋恐勞而無功徒費帑金以飽貪吏之腹耳若據伊此奏則前摺何所見而創改建石工之議豈不大相矛盾誠能一勞永逸朕何惜數十萬之費不令浙東億兆安枕也速速詳議奏聞

同日又

奏爲恭報晚稻收成分數仰祈

聖鑒事竊浙省晚稻已經收獲查杭州嘉興金華衢州
嚴州等五府屬收成八分七分不等湖州紹興台
州溫州處州等五府屬收成七分六分不等寧波
府屬收成六分五分不等闔省咸慶有秋而沿海
被水村莊仰荷

皇上發粟賑濟又蒙

特諭江西湖廣二省運米十六萬石至浙平糶窮民粒

食有賴山陬海澨共沐

恩膏咸歌

帝德臣謹將晚稻收成分數據實奏

聞上慰

聖懷謹

奏

浙省收成如此固好但爾率多依違具奏希圖迎合言不由中一事不可信則事事皆難信矣

雍正二年十二月初六日調補西安巡撫

臣石文

焯謹

奏爲恭請

陞見事竊臣一介庸愚恭逢

皇上御極之初蒙

恩召對屢承

訓旨諄切開導旋奉

恩綸補授河南巡撫撫豫以來凜遵

聖訓黽勉奉職但臣才識短淺愆尤日積悉荷

深仁涵育曲賜保全臣清夜捫心感深涕隕是臣兩載
供職倖免隕越之虞者皆出自

皇上教誨裁成之恩也今奉

特旨調補西安巡撫犬馬依戀之誠亟思趨覲

天顏敬承

睿謨指示仰懇

皇上允准

陞見臣自浙起程謹於江南宿州地方恭候

俞旨一奉

恩命臣即星赴

闕廷跪聆

聖訓庶地方一切事宜皆知所遵循矣謹

奏

准爾來京陞見地方風景民間疾苦可以備悉敷陳爾所奏一切事件朕亦便一一面諭也

硃批諭旨卷三十中